



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Cadaver.

urn:nbn:de:hbz:466:1-10421

Tertiò, Idem confirmatur ex doctrina Navar. *in com. de usur. quest. 8. num. 109.* ubi asserit plurimum referre; nam si est contractus, seu census emphyteuticus, non solvens tempore statuto à jure, vel ab homine, perdit prædium, domum, vel quid simile: si verò debet per contractum censiticum, non perdit, sed in dubio pro censitico, & non pro emphyteutico teneri debet, *argum. cap. ex parte, de cens. & ibi Panor. not. 4. & in l. semper ad stipulationem ff. de ver. signif. c. cum jura, de reg. jur. lib. 6.* licet oppositum habeat August. Beto. *q. 14.* & Rodoan. *f. 502. n. 4.* & Jason. *in l. 2. n. 210. versi. tertio decimo quæro, de jure emphyt. num. 211. versi. 14. quæro.*

C A D A V E R.

Vide *in ver. Funus.*

C A R C E R.

PRImò, Cur inventus sit, quæritur?

Respondetur primò, aut pro custodia. Secundò, aut pro afflictione. Tertiò, aut quando judex intendit, quòd carcer succedat in locum pœnæ. Quartò, in pœnam quæ datur per sententiam, Diaz *in pract. crim. Cun. cap. quamvis, de pœniten. libro 6. cap. novimus, §. pro illo, & ibi Abb. numero 4. de verb. signific.*

Secundò, quando Clericus possit carcerari etiam pro causa civili, habetur *in cap. dilectis, & per ibi scribentes, de appellat. Diaz ubi supr. capit. 114. Con. Trid. sess. 25. c. 6. de reform.*

Tertiò, Judex ecclesiasticus debet habere familiam armatam pro captura reo-

rum, Covar. *pract. qq. c. 10. n. 2. ver. 4. in fin. Hostien. in sum. titul. de offic. judicis, §. quando, n. 4.*

Quartò, an, & quando possit procedi ad capturam, non prævia informatione, vide Foller. *in pract. crim. 1. p. n. 58.* nec debet esse facilis ecclesiasticus Judex in captura clericorum, nisi præcedenti sufficiente informatione, cum carcer vergat in infamiam: sed videatur Diaz *loc. cit. c. 6. pagina 29.*

Quintò, an carceratus pro causa criminali offerens cautionem, debeat habilitari? Negativè respondet Foller, *loc. cit. 1. p. 2. p. n. 20.*

Sextò, an quis possit capi in territorio alieno per quindecim milliaria, vide eund. Foller. *fol. 22. num. 3.*

Septimò, carceratus, qui non pernoctat in carcere, nihil tenetur solvere carceratio, idem *in Fragm. c. de reor. custod. num. 162.*

Octavò, moriens in carcere ob negligentiam judicis, punitur ipse judex depositione officii, & aliis pœnis, Boer. *decis. 153. num. 20.* & judex si est ecclesiasticus, efficitur irregularis, Abbas *inc. à nobis, n. 1. de apostat. & inc. ad audientiam, de crim. falsi.*

Nonò, judex debet visitare saepe carceratos, & facere quòd habeant necessaria, *l. 3. C. de Epif. aud. Sylv. in ver. carcer, §. ult.*

Decimò, qui fugiet à carceribus iter arripiens ad superiorem, non dicitur fugere, sed habetur loco appellationis, Hostien. *in c. dilectus, de appellat. Boer. decis. 215. n. 27. c. dilecti, si 2. de appel. imò non cadit in pœnam, sub qua fortassis sibi fuit factū*